

# ԿԱՆՈՆԱԴՐՈՒԹՅՈՒՆ

## ԵՐԵՎԱՆ ՔԱՂԱՔԻ ԱՎԱԳԱՆՈՒ ԲԱՐԳԱՎԱՃ ՀԱՅԱՍՏԱՆ ԽՄԲԱԿՑՈՒԹՅԱՆ

### 1. ԸՆԴՀԱՆՈՒՐ ԴՐՈՒՅԹՆԵՐ

1.1 Սույն կանոնադրությունը կարգավորում է Երևան քաղաքի Ավագանու ԲԱՐԳԱՎԱՃ ՀԱՅԱՍՏԱՆ խմբակցության (այսուհետ՝ խմբակցություն) գործունեությունը, նրա մարմինների ղեկավարի, քարտուղարի, անդամների, իրավասությունների, լիազորությունների աշխատանքային ընթացակարգերը:

1.2 «Երևան քաղաքում տեղական ինքնակառավարման մասին» Հայաստանի Հանրապետության օրենքի 31-րդ հոդվածի 1-ին, 2-րդ կետերի, «Երևան քաղաքի Ավագանու» կանոնակարգի 1-ին բաժնի 4-րդ կետի, 5-րդ բաժնի 43-րդ, 44-րդ, կետերի համաձայն ստեղծվում է Երևան քաղաքի Ավագանու ԲԱՐԳԱՎԱՃ ՀԱՅԱՍՏԱՆ խմբակցությունը:

1.3 Խմբակցության գործունեությունը դադարում կամ վերականգնվում է «Երևան քաղաքում տեղական ինքնակառավարման մասին» Հայաստանի Հանրապետության օրենքի 16-րդ հոդված 1-ին կետի, 31-րդ հոդվածի 4-րդ կետի, «Երևան քաղաքի Ավագանու» կանոնակարգի 2-րդ բաժնի 12-րդ կետի, 5-րդ բաժնի 46-րդ կետի համաձայն:

1.4 Երևանի Ավագանու 2018 թվականի սեպտեմբերի 23-ի ընտրությունների արդյունքների համաձայն ԲԱՐԳԱՎԱՃ ՀԱՅԱՍՏԱՆ կուսակցության առաջադրմամբ ընտրված Ավագանու անդամները ընդունում են Երևան քաղաքի Ավագանու ԲԱՐԳԱՎԱՃ ՀԱՅԱՍՏԱՆ խմբակցության կանոնադրությունը:

1.5 Խմբակցությունը գործում է ՀՀ Սահմանադրության, «Տեղական ինքնակառավարման մասին», «Երևան քաղաքում տեղական ինքնակառավարման մասին» ՀՀ օրենքների, «Երևան քաղաքի Ավագանու կանոնակարգի», այլ իրավական ակտերի և սույն կանոնադրության համաձայն:

1.6 Խմբակցության գործնեությունը հիմնվում է բազմակարծության հարցերի ազատ քննարկման և կոլեգյալ որոշումների կայացման հիման վրա:

1.7 խմբակցության անվանումն է ԲԱՐԳԱՎԱՃ ՀԱՅԱՍՏԱՆ

1.8 խմբակցության գտնվելու վայրի հասցեն է ք.Երևան Արգիշտի 1

1.9 խմբակցության անդամները կոչված են ապահովելու սույն կանոնադրության պահանջները:

## **2. ԽՄԲԱԿՑՈՒԹՅԱՆ ՆՊԱՏԱԿՆԵՐԸ ԵՎ ԽՆԴԻՐՆԵՐԸ**

2.1 Իրականացնել ԲԱՐԳԱՎԱՃ ՀԱՅԱՍՏԱՆ կուսակցության կողմից ընդունված Երևան քաղաքի մասին նախընտրական ծրագրում ամրագրված սկզբունքների և ուղենիշներին համապատասխան ծրագրային լուծումների կյանքի կոչման ուղված գործունեություն:

2.2 Երևան քաղաքի և նրա բնակիչների առջև ծառայած բազմաբնույթ հիմնախնդիրների լուծման ուղղությամբ իրականացնել իր լիազորությունները և պարտականությունները:

2.3 Համախմբել ԲԱՐԳԱՎԱՃ ՀԱՅԱՍՏԱՆ խմբակցության ավագանու անդամներին հանդես գալ որպես Կազմակերպված խմբակցություն:

2.4 Օժանդակել և աջակցել խմբակցության ավագանու անդամների կողմից ներկայացվող նախագծերի և ծրագրերի իրականացմանը:

2.5 Պաշտպանել Երևան քաղաքի շահերը և նրա բնակիչների իրավունքները:

2.6 ՀՀ օրենսդրությամբ սահմանված կարգով զանգվածային լրատվության միջոցներով տեղեկատվություն տարածել իր գործնեության վերաբերյալ:

2.7 Իր նպատակների, խնդիրների իրականացման համար համագործակցել բոլոր շահագրգիռ անձանց հետ:

2.8 Իր գործնեությամբ նպաստել Երևան քաղաքի համաչափ զարգացմանը:

2.9 ՀՀ օրենսդրության համաձայն իր կողմից կատարված աշխատանքների միջոցով աջակցել Երևան քաղաքի ավագանու գործնեությանը:

### 3.ԽՄԲԱԿՑՈՒԹՅԱՆ ԳՈՐԾԱՌՈՒՅԹՆԵՐԸ

3.3 Խմբակցությունը իր նպատակներին և խնդիրների իրականացման համար Հայաստանի Հանրապետության օրենսդրությամբ, Երևանի ավագանու կանոնակարգի և սույն կանոնադրությամբ սահմանված իրականացնում է հետևյալ հիմնական գործառույթները՝

ա) Իր աշխատանքները կազմակերպում է նիստերի, խորհրդակցությունների հանդիպումների միջոցով,

բ) որոշում է ընդունում ավագանու հանձնաժողովներում խմբակցության անդամների մասնակցության վերաբերյալ,

գ) ավագանու իրավական ակտերի և դրանց ընդունման սահմանված ընթացակարգի համաձայն ներկայացնել խմբակցության անդամների նախաձեռնությունները և առաջարկությունները,

դ) քննարկում և որոշում է ընդունում քննող հանձնաժողով ստեղծելու մասին

ե) քննարկում և որոշում է ընդունում ավագանու նիստերին հրավիրել քննարկվող հարցի վերաբերյալ տեղեկացված այլ անձանց ելույթ ունենալու հարցերին պատասխանելու համար,

զ) ամփոփում և որոշում է ընդունում խմբակցության գործնետության կատարված աշխատանքների վերաբերյալ,

է) հասարակական հետաքրքրություն ներկայացնող հրատապ թեմայով անց է կացնում քննարկումներ և հստակեցնում խմբակցության դիրքորոշումը քննարկվող հարցի վերաբերյալ,

ը) Երևան քաղաքի բնակիչների հետ կազմակերպում է հանրային հանդիպումներ, քննարկումներ բարձրացված հարցերին տալիս սպառիչ պատասխան,

թ) Երևան քաղաքի բնակիչների կողմից բարձրացրած խնդիրների և առաջարկությունների վերաբերյալ բարձրաձայնում է Ավագանու նիստերում և հետամուտ լինում խնդիրների լուծմանը,

ժ) սահմանված ժամկետում անցկացնում է քննարկումներ, կատարում ուսումնասիրություններ բյուջեի նախագծի վերաբերյալ,

ժա) քննարկում է բյուջեի եռամսյակային կատարման ընթացքը և տարեկան հաշվետվությունը,

**ժբ)** խմբակցությունը կարող է դիմել ՀՀ վարչական դատարան ավագանու և քաղաքապետի ակտերի իրավաչափությունը վիճարկելու հարցով,

**ժգ)** իրականացնում է Հայաստանի Հանրապետության օրենսդրությամբ, ավագանու կանոնակարգով և սույն կանոնադրությամբ չարգելված այլ գործառույթներ

#### **4. ԽՄԲԱԿՑՈՒԹՅԱՆ ՆԻՍՏԵՐԸ**

**4.1** Խմբակցության հերթական նիստերը հրավիրվում են ավագանու նստաշրջանների ընթացքում ամիսը առնվազն մեկ անգամ խմբակցության ղեկավարի կողմից:

**4.2** Խմբակցության ղեկավարի կամ անդամների մեկ երրորդի նախաձեռնությամբ կարող են հրավիրվել նաև արտահերթ խմբակցության նիստեր:

**4.3** Խմբակցության նիստերը կարող են հրավիրվել նաև նստաշրջաններից դուրս սույն կանոնադրությամբ սահմանված ընթացակարգով:

**4.4** Խմբակցության ղեկավարը նիստից առնվազն երկու օր առաջ խմբակցության ադամներին տեղեկացնում է նիստի անցկացման օրվա, ժամի և տեղի մասին նրանց տրամադրելով օրակարգը և դրան առնչվող փաստաթղթերը, եթե այդպիսիք կան:

**4.5** Նիստը վարում է խմբակցության ղեկավարը իսկ նրա բացակայության դեպքում խմբակցության քարտուղարը:

**4.6** Խմբակցության ղեկավարի և քարտուղարի բացակայության դեպքում նիստը վարում է խմբակցության տարիքով ավագ անդամը:

**4.7** Խմբակցության նիստում կարող է քննարկվել Երևանի ավագանու իրավասություններին ,գործնեության,լիազորություններին վերաբերող ցանկացած հարց:

**4.8** Խմբակցության նիստը իրավազոր է եթե նիստին մասնակցում են խմբակցության ավագանու անդամների կեսից ավելին:

**4.9** Խմբակցության նիստի օրակարգում ընդգրկված հարցերը քննարկվում են հետևյալ հաջորդականությամբ՝

**ա)** Օրակարգի հաստատում,

**բ)** զեկուցողի ելույթ,

**գ)** հարցեր զեկուցողին,

**դ)** մտքերի փոխանակություն,

**դ)** քվեարկություն:

4.10 Նիստում յուրաքնչյուր հարցի վերաբերյալ քվեարկությունը կատարվում է տվյալ հարցի քննարկման ավարտից անմիջապես հետո:

4.11 Խմբակցության անդամը կարող է հրաժարվել քվեարկությանը մասնակցելուց:

4.11 Խմբակցության նիստում որոշումներն ընդունվում են, եթե դրանց կողմ են քվիարկել Նիստին ներկա խմբակցության անդամների կեսից ավելին:

4.12 Խմբակցության նիստում քվիարկության արդյունքում ձայների հավասար բաշխվելու դեպքում վճռորոշ է նիստը վարողի դիրքորոշումը:

4.13 Նիստի արձանագրությունը, որը ներառում է խմբակցության նիստում քննարկված բոլոր հարցերի քվեարկությունների անվանական արարդյունքները, ստորագրում է նիստը վարողը:

4.14 Խմբակցության նիստերին կարող են մասնակցել քննարկման ենթակա հարցերին իրազեկ անձինք ինչպես նաև մասնագետներ:

4.15 Խմբակցության նիստերին մասնակցում է խմբակցության փորձագետը և քննարկվող հարցերի կատարված ուսումնասիրությունների աշխատանքների վերաբերյալ կարող է ներկայացնել իր փորձագիտական եզրակացությունը:

## 5. ԽՄԲԱԿՑՈՒԹՅԱՆ ԿԱՌԱՎԱՐՈՒՄԸ

5.1 Խմբակցության ավագանու անդամները ընտրում են խմբակցության ղեկավար և քարտուղար:

### 5.2 Խմբակցության ղեկավարը՝

ա) ղեկավարում է խմբակցության գործնեություն,

բ) գումարում է խմբակցության արտահերթ նիստ,

գ) նախապատրաստում եւ վարում է խմբակցության նիստերը,

դ) կազմում և խմբակցության անդամների հաստատման է ներկայացնում խմբակցության նիստի օրակարգը,

ե) համակարգում է խմբակցության աշխատանքային խմբերի աշխատանքը,

զ) ստորագրում է խմբակցության որոշումները հայտարարությունները, ինչպես նաև խմբակցության անունից կազմվող բոլոր գրություններն ու փաստաթղթերը,

է) վարում է խմբակցության աշխատանքային խորհրդակցությունները կազմակերպում է խմբակցության ընթացիկ աշխատանքային գործնեությունը,

ը) ներկայացնում է խմբակցության դիրքորոշումը ավագանու նիստերի օրակարգի և քննարկվող հարցերի վերաբերյալ.

**թ)** վերահսկում է խմբակցության որոշումների և հանձնարարականների կատարման ընթացքը,

**ժ)** խմբակցության անունից վարում է բանակցություններ արտահայտում խմբակցության դիրքորոշումներն ու տեսակետները,

**ժա)** խմբակցության անունով ստացված դիմումների, բողոքների, առաջարկությունների վերաբերյալ համապատասխան ընթացք է տալիս և պատասխանում խմբակցության անունից,

**ժբ)** ապահովում է խմբակցության որոշումների կատարումը,

**ժգ)** ներկայացնում է խմբակցությունը պետական կառավարման մարմինների, հասարակական կազմակերպությունների, քաղաքական կուսակցությունների, Երևանի ավագանու խմբակցությունների, զանգվածային լրատվության միջոցների, խմբակցության գործունեության հետ առնչվող այլ կազմակերպությունների հետ փոխհարաբերություններում,

**ժդ)** խմբակցության որոշումների իրականացման համար պարտադիր ցուցումներ է տալիս խմբակցության անդամներին,

**ժե)** իր երաշխավորություն է տալիս համապատասխան մարմին և ներկայացնում խմբակցության փորձագետին և գործավարին որոնք ընդունվում են աշխատանքի ժամկետային պայմանագրով

**ժզ)** համակարգում է խմբակցության փորձագետի և գործավարի աշխատանքները վերջիններիս տալիս է համապատասխան հանձնարարականներ,

**ժէ)** իր հանձնարարությամբ փորձագետը և գործավարը աջակցում են խմբակցության, ավագանու անդամների աշխատանքներին:

**ժը)** խմբակցության նիստին հարցերի քննարկումներին մասնակցելու համար կարող է հրավիրել տվյալ քնարկվող հարցին իրազեկ անձանց ինչպես նաև մասնագետների,

**ժթ)** խմբակցության անդամներին իրազեկում է որոշումների կատարման ընթացքի մասին,

**ժժ)** ընդունում է խմբակցությունից դուրս գալու խմբակցության անդամի գրավոր դիմումը և ներկայացնում քաղաքապետին սահմանված կարգով,

**ի)** նախապատրաստում և ավագանու քննարկման է ներկայացնում հարցեր, որոշումների և ուղերձների նախագծեր

**իա)** Երևան քաղաքի ավագանիում քննարկվող հարցերի վերաբերյալ հայտնում խմբակցության դիրքորոշումը

**իբ)** բյուջեի նախագծի վերաբերյալ խմբակցության դիտողությունները և առաջարկությունները գրավոր ներկայացնում է Քաղաքապետին,

**իգ)** լիազորում է ավագանու անդամներին հանդես գալու խմբակցության անունից:

### **5.3 Խմբակցության քարտուղարը՝**

**ա)** Խմբակցության ղեկավարի բացակայության դեպքում իրականացնում է ղեկավարի գործառույթները կամ վերջինիս լիազորմամբ կատարում է նրա լիզորությունները,

**բ)** մասնակցում է խմբակցության հերթական նիստի օրակարգի նախագծի մշակման աշխատանքներին,

**գ)** Վարում է խմբակցության անդամների Երևան քաղաքի ավագանու նիստերին մասնակցության հաշվառումը,

**դ)** ապահովում է խմբակցության անդամներին անհրաժեշտ նախագծերով ու փաստաթղթերով,

**ե)** կազմակերպում է խմբակցությունում քննարկումների և խորհրդակցությունների անցկացումը:

## **6. ԽՄԲԱԿՑՈՒԹՅԱՆ ԱՆԴԱՄԸ**

### **6.1 Խմբակցության անդամը իրավունք ունի՝**

**ա)** ընտրել և ընտրվել խմբակցության ղեկավար կամ քարտուղար,

**բ)** խմբակցության և նրա ղեկավարին՝ ներկայացնել նախագծեր, առաջարկություններ և նախաձեռնություններ,

**գ)** իր քվեարկությամբ մասնակցել խմբակցության որոշումների ընդունմանը,

**դ)** խմբակցության նիստում՝ քննարկվող հարցի վերաբերյալ հարցեր տալու, առաջարկություններով և նախաձեռնություններով հանդես գալու, ելույթ ունենալու, իր դիրքորոշումը հայտնելու,

**ե)** խմբակցության ղեկավարից՝ սպառիչ տեղեկատվություն ստանալու խմբակցության գործունեության մասին,

**զ)** խմբակցության կողմից՝ ընդունված որոշումով անդամկցել ավագանու հանձնաժողովներին,

- է) խմբակցության և նրա ղեկավարի որոշմամբ խմբակցության անունից արտահայտել դիրքորոշումներ, տալ հարցազրույցներ, վարել բանակցություններ, արտահայտել իր անձնական տեսակետը հատուկ նշելով այդ մասին,
- ը) խմբակցության ղեկավարի հետ համաձայնացնելով խմբակցություն հրավիրել տվյալ քնարկվող հարցին իրազեկ անձանց ինչպես նաև մասնագետների,
- թ) մասնակցել խմբակցության կողմից կազմակերպված միջոցառումներին,
- ժ) իր գրավոր դիմումի համաձայն՝ դուրս գալ խմբակցությունից և այդ հիմքով դադարեցնել իր անդամությունը խմբակցությունում,
- ժա) ՀՀ օրենսդրությամբ՝ Երևանի ավագանու կանոնակարգով, իրավական ակտերով սահմանված և սույն կանոնադրությամբ իրականացնել այլ իրավասություններ:

## **7. ԽՄԲԱԿՑՈՒԹՅԱՆ ԱՆԴԱՄԻ ՊԱՐՏԱԿԱՆՈՒԹՅՈՒՆԵՐԸ**

### **7.1 Խմբակցության անդամը պարտավոր է՝**

- ա) մասնակցել խմբակցության և Երևանի ավագանու նիստերին,
- բ) մասնակցել խմբակցության նախաձեռնած աշխատանքների իրականացմանը,
- գ) իր բացակայության դեպքում նախապես տեղեկացնել խմբակցության ղեկավարին կամ քարտուղարին նշելով մասնակցության անհնարիության մասին,
- դ) կատարել խմբակցության ընդունված որոշումները և տրված աշխատանքային հանձնարարականները,
- ե) ակտիվ մասնակցել խմբակցության կանոնադրության նպատակների և խնդիրների իրականացմանը,
- զ) իր գործնեությամբ ու վարքով բարձր պահել խմբակցության հեղինակությունը,
  - է) առանց խմբակցության և նրա ղեկավարի կողմից տրված լիազորության հանդես չգալ խմբակցության անունից,
  - ը) բարեխղճորեն կատարել իր վրա դրված պարտականությունները,
  - թ) պարբերաբար հանդիպել համայնքի բնակչության հետ, համայնքի ընտրողներին տեղեկացնել խմբակցության և Երևանի ավագանու աշխատանքների մասին,
  - ժ) ուսումնասիրել քաղաքացիներից ստացված առաջարկությունները եւ պատասխանել դիմումներին.
- ժ) իրականացնել ՀՀ Օրենքներով և Երևանի ավագանու Կանոնակարգով սահմանված և սույն կանոնադրությամբ այլ պարտականություններ:



## **8.ԽՄԲԱԿՑՈՒԹՅԱՆ ԱՆԴԱՄԻ ԼԻԱԶՈՐՈՒԹՅՈՒՆՆԵՐԻ ԴԱԴԱՐՈՒՄԸ**

**8.1** Խմբակցության անդամի լիազորությունները դադարում են՝

**ա)** իր դիմումի համաձայն խմբակցությունից դուրս գալը,

**բ)** խմբակցության կանոնադրության պահանջներին չհետևելը կամ նիստերի որոշումները պարբերաբար ակնհայտ չկատարելը,

**գ)** խմբակցության և Երևանի ավագանու նիստերին անհարգելի պատճառով բացակայելը,

**դ)** ավարտվել է Երևանի ավագանու լիազորությունների ժամկետը,

**ե)** նա կորցրել է համայնքի ավագանու ընտրական իրավունքը,

**զ)** նա դատապարտվել է ազատազրկման,

**է)** օրինական ուժի մեջ է մտել նրան անգործունակ ճանաչելու մասին դատարանի որոշումը,

**ը)** դատարանի օրինական ուժի մեջ մտած վճռով նա անհայտ բացակայող կամ մահացած է ճանաչվել,

**թ)** նա մահացել է,

**ժ)** ՀՀ Օրենսդրության , Երևանի ավագանու կանոնակարգի և սույն կանոնադրության համաձայն:

## **9.ԵԶՐԱՓՈՒԿ ԴՐՈՒՅԹՆԵՐ**

**9.1** Սույն կանոնադրությունում լրացումներ փոփոխություններ կարող են կատարվել խմբակցության անդամների ընդհանուր թվի ծայնների պարզ մեծամասնությամբ:

**9.2** Սույն կանոնադրությունը ուժի մեջ է մտնում ընդունման պահից: